

M̄weiñan eo an Jibboñ in Jādede

kweilok eo eḷap

Kajoor eo an Jeje Ko Rekwojarjar

jeje ko rekwojarjar

ekkatak jeje ko rekwojarjar

rikanaan ro

Bok in Mormon

M̄adenlok

Jetōb Kwojarjar

kweilok eo eḷap

Kajoor eo an Jeje Ko Rekwojarjar

Jen Elder Richard G. Scott

An Doulul eo an Joñoulruo Rijilok ro

Jeje Ko Rekwojarjar rej āinwōt jet tōma jiddik ko me rej kōmeram lok lōmḡak ko ad im kōpooj kōj ñan tōl im imḡwe jen ijo eutie.

Kōm ro me kōmij itok ñan jikin kōnono in ilo iien kweilok eñjake kajoor eo an jar ko ami. Kōmij aikuji, im kōmij kaḡoolol koḡ kaki.

Jemedwōj Ilañ eaar meḷeḷe bwe ñan ad kōmḡane eddōklok eo kōḡaan ilo tōre in mour in teej in

ad ilo mour in, jenaaj kar aikuj jelm̄ae apañ ko reppen. Jet iaan men kein renaaj kar nañin tōr jān joñan. Eaar letok kein jermal ko ñan jipañ kōj wejepedik ilo mour in teej in ad. Juon iaan tūroro in kein jermal kein ej jeje ko rekwojarjar.

Ilo aolepen tōre ko Jemed ilo Lañ eaar im̄we em̄maan ro im kōrā ro kar kālet er ñan pukōt, kōn tōl eo an Jetōb Kwojarjar, uwaak ko ñan jorrāan ko rekaipokpok an mour. Eaar im̄we ro rikarejeran kar kōmālim er ñan ļoōki uwaak ko āinwōt juon bok in unintōl ñan ajri ro Nejin me ewōr aer tōmak ilo karōk in m̄oñōñō eo An im ilo Nejin Jitōnbōro, Jisōs Kraist. Jemaroñ bōk tōl in ilo jabdewōt iien kōn menin aorōk eo jej ña etan jermal kwojarjar ko—me ej, Kalim̄mur Mōkta im Kalim̄mur Ekāal, Bok in Mormon, Doctine and Covenants, im Pearl of Great Price.

Kōnke jeje ko rekwojarjar raar itok jān im̄we in kōnono kōn Jetōb Kwojarjar, rej m̄ool eo erre. Jej jab aikuj n̄urbōktak kōn kajoor eo an katak ko repād ilo jermal ko kwojarjar ko kōnke Jetōb Kwojarjar eaar kein kōm̄adm̄ōd eo me eaar kōm̄weiur im im̄we ro kajjojo me raar je jeje ko rekwojarjar.

Jeje Ko Rekwojarjar rej āinwōt jet tōm̄a jiddik me rej kōmeram ļok ļōm̄nak ko ad im kōpooj kōj ñan tōl im im̄we eo ijo eutie. Remaroñ erom kii eo ñan kōpellļok iaļ eo ñan kōnono ippān Jemed ilo Lañ im Nejin Jitōnbōro, Jisōs Kraist.

Jeje Ko Rekwojarjar ñe ejim̄we kōnono jān e eletok m̄ālim ñan ad kwaļok. Rej erom ro m̄ōttad rem̄ool me maroñ lali jabdewōt jikin im jabdewōt iien. Remaroñ barāinwōt pād iien otemjej ñe aikuji. Jermal eo aer eletok juon pedped in m̄ool me emaroñ waļok tok jān Jetōb Kwojarjar. Katak, kejōkļokjeñ, etale, im kakilōklōk eoon ko ej āinwōt kanne juon k̄apnet kōn ro m̄ōttad, aorōk ko, im m̄ool ko me maroñ kūr ñan e jabdewōt iien, jabdewōt jikin ilo laļ in.

Kajoor eļlap emaroñ itok jān kakkilōklōk eoon ko. Ñan kakkilōklōke juon eoon ej ñan ejaake juon jemjerā ekāal. Ej āinwōt lo juon armej me emaroñ jipañ ilo iien aikuj, leļok im̄we im kaenōm̄man, im juon kein pinniki ñan oktak eo aikuji. Ñan waanjoñak, kalim̄mur eo ñan kakilōklōke sam in eaar ñan ña juon un ekajoor im meļeļe.

“An Jeova laļ im kobban, āne im ro rej jokwe ilowaan.

“Bwe Ear kajuuri ilōñin lōmeto, im kapene ion river ko.

“Wōn enaaj wanlōñļok ilo toļ in Jeova? Wōn enaaj jutak ilo jikin kwōjarjar eo An?

“Eo erreu pein, im būruon e kwōjarjar; eo ear jab koutiej an n̄an riab, ak kajje im e jab m̄ool.

“Enaaj bōk men in m̄ōṅōṅō j̄an Jeova, im w̄anōk j̄an Anij an l̄omṅor eo an” (Sam Ko 24:1–5).

Ḷōmṅak kōn juon eoon āinwōt leḷok tōl em̄man n̄an mour. Jeje Ko Rekwojarjar remaroñ āje juon pedped in rejtak. Remaroñ letok juon kein jipañ eo eḷap ejej uwaan an ro m̄ōttad rōkōṅaan im remaroñ jipañ kōj. Kakilōklōk juon eoon ej erom juon m̄ōttad eo eniknik me ejjab m̄ōjṅo ḷok kōn eoon.

Ḷōmṅak kōn juon eoon in jeje ko rekwojarjar emaroñ in erom juon kii n̄an kōpeḷḷok m̄adenḷok im tōl eo im im̄we eo an Jetōb Kwojarjar. Jeje Ko Rekwojarjar emaroñ kaenōm̄man juon jetōb ellu, leḷok aenōm̄man, kōjatdikdik, im jepḷaak an juon lōke ilo maroñ eo an juon n̄an anjo ion apañ ko an mour. Ewōr aer kajoor eḷap n̄an kemour apañ ko ilo eñjake ijo ewōr tōmak ilo Rilomṅor eo. Remaroñ kōmōkaj ḷok kemour eo an ānbwiin.

Jeje Ko Rekwojarjar remaroñ kōnono meḷeḷe ko roktak ilo iien ko roktak ilo mour ko ad ekkar n̄an aikuj ko ad. Juon eoon me jemaroñ kar riiti eḷōn alen emaroñ letok meḷeḷe ko rekāal me rej kōkāal im ḷap meḷeḷeier n̄e jej jelmae juon apañ kāal ilo mour.

Ekōjkan aṅ make kōjermal jeje ko rekwojarjar? Kwoj ke kōkaḷḷeik eoon eo aṅ? Kwoj ke je meḷeḷe ko n̄an kememej iien eo tōl an jetōb ak juon eñjake me eaar katakin eok juon katak eaorōk? Kwoj ke kōjermal aolep jermal kwojarjar ko, ekoba Kalimṅur M̄okta? Iaar lo m̄ool ko raorōk ilo alen ko an Kalimṅur M̄okta me rej m̄ōttan ko raorōk n̄an pedped eo an m̄ool me ej tōl mour e aō im m̄akūtkūt ko āinwōt juon kein jipañ n̄e Ij kajieoñ kwaḷok juon ennaan an kōjpeḷ eo ippān ro jet. Kōn un jab in, Ij iakwe Kalimṅur M̄okta. Ij lo aorōk ko an m̄ool rajeded ilo aolepen alen ko an. N̄an waanjoñak:

“Im Samuel ear ba, “Jeova ej buñbūruon kōn men in katok kijeek, im men in katok ko, āinwōt ilo pokake ainikien Jeova ke? Lo, pokake em̄man j̄an katok, im eḡroñ em̄man j̄an grease an sip komaan ko” (1 Samuel 15:22).

“Kwōn lōke Jeova kōn aolepen būruwōm̄, im kwōn jab atartar ion jeḷḷokjeṅ eo aṅ.

“Kwōn kwaḷok E ilo iaḷ ko aṅ otemjeḷok, innām Enaaj ba kajjien iaḷ ko aṅ.

“Kwōn jab mālōtlōt wōt ilo mejōm̄; kwōn mikaj Jeova im ilok j̄an nana. . . .

“Nejū, kwōn jab kajekdoḡon kaje an Jeova, im kwōn jab m̄ōk kōn AN kauwe eok;

“Bwe Jeova ej kauwe eo ej yokwe, āinwōt juon jemān n̄an nejin eo ej m̄ōḡōḡō kake.

“E m̄ōḡōḡō armej eo ej lo mālōtlōt, im armej eo ej bōk jeḷāḷḷokjeḡ” (Jabōn kōnnan Ko 3:5–7, 11–13).

Kalim̄mur Ekāāl ej barāinwōt juon jikin m̄ool eaorōk:

“Jisōs e ba n̄an e, “Kwōn yokwe Irooj aḡ Anij kōn aolepen būruwōm̄ im kōn aolepen aḡ, im kōn aḡ ḷōm̄ḡak otemjeḡ.

“Eñin kien eo eḷap im m̄oktata.

“Im eo kein ka ruo āinwōt in, Kwōn yokwe ri turōm im āinwōt kwe.

“ Kein otemjeḡ im ri kanaan rej keḡil ilo kien kein ruo” (Matu 22:37–40).

“Saimōn, Saimōn, lo, Setan ear kōḡaan bōk eok bwe en liklik eok āinwōt wit:

“A I ar jar kōn eok bwe aḡ tōmak e jāmin jako; im n̄e em̄ōḡ aḡ bar oktak, kwōn kakajoor ro jeioḡ im jatōḡ.

“Im e ba n̄an E, “Irooj, ij pojak bwe in etal Ippam̄ n̄an ilowaan prisōn, im n̄an mej.

“Im E ba, “Ij kōnnaanōk eok, Piter, kako e jāmin ikkūr rainin, n̄an iien eo kwō naaj kaarmejjete aḡ jeḷā N̄a, alen jilu. ...

“Im juon jiroñ e lo e, ke ej jijet ilo meram in kijeek eo, im kallimjeke im ba, “ḷe in ear barāinwōt Ippān.”

“Im ej kaarmejjete im ba; “Kōrā I jab jeḷā E.”

“Im tokālik jiddik bar juon ej lo e im ba, “Im kwe barāinwōt juon iaer.” Im Piter e ba, “Armej,

jaab!”

“Im e nañin juon awa tokālik bar juon eḷap an ba, “Aet, e m̄ool, e in ear barāinwōt Ippān; bwe e juon ri Galili.”

“Im Piter e ba, “Armej, I jaje ta eo kwōj ba.” Im kiiō kiiō ke ej kōnono, kako ej ikkūr.

“Im Irooj ej oktaklik, im kallimjeke Piter. Im Piter ej keememej naan eo an Irooj, kōjkan Ear ba ñan e, “M̄okta jān kako ej ikkūr, kwō naaj kaarmejjjet Eō alen jilu.”

“Im Piter ej diwōjḷok im eḷap an jañ” (Luk 22:31–34, 56–62).

Būruwō ej metak kōn ta eo eaar waḷok ñan Piter ilo tōre jab eo.

Juon eon jān Doctrine and Covenants eaar kanooj kōjeram̄man mour e aō. Ej kōnono bwe jej aikuj jab pukōt ñan kwaḷok An naan maē iien jej m̄oktata pukōti ñan bōk An naan. Innām lood enaaj pidodo, im, eḷañne jej kōḷnaan, jenaaj bōk Jetōb eo An im An naan, em̄ool kajoor eo an Anij ñan kareel armej (lale D&C 11:21).

Ilo jeḷā e aō, Bok in Mormon ej katakin m̄ool eo kōn alikkar ejej uwaan im kajoor. Ñan waanjoñak:

“Im kiiō ikōḷnaan bwe kom̄in ettā bōro, im jeḷānae im jouj; kiplie; obrak kōn kemmaanwa im meanwōd; im jatōr ilo aolep men, im niknik ilo kōjparok kein ko an Anij ilo iien otemjeḷok; kajjitōk kōn jabdewōt men ko kom̄ij aikuji, jim̄or ilo jetōb im ilo kanniōk; iien otemjej kōrool kam̄oolol ko ñan Anij kōn jabdewōt men ko kom̄ij būki.

“Im lale bwe en wōr ami tōmak, im iakwe-em̄ool, innām kom̄ naaj obrak kōn jermal ko rem̄man” (Alma 7:23–24).

Im bar juon:

“Im iakwe-em̄ool ej meanwōd im e jouj, im ej jab junmaade, ej jab kappukot men ko an, ej jab illulu, ej jab ḷom̄nak nana, im jab lañlōñ ilo nana ak lañlōñ ilo m̄ool eo, ej kijenmej ilo men otemjej, ej tōmak ilo men otemjej, kōjatdikdik ilo men otemjej, ej niknik ilo men otemjej.

“Kōn menin, ro jeiū im jatū re jitōnbōro, eļāñne ejjeļok ami iakwe-eṃool, koṃ jekdoṃ, bwe iakwe-eṃool ej jamin jako. Kōn menin, koṃin eddāp nān iakwe-eṃool, eo ej ļaptata jān men otemjej, bwe men otemjej renaaj jemļok—

“A iakwe-eṃool ej iakwe eo erre an Kraist, im e kijejeto indeeo; im jabdewōt eo lo e ippān ilo raan eo āliktata, enaaj eṃṃan ippān.

“Kōn menin, ro jeiū im jatū re jitōnbōro, koṃin jar nān Jemād kōn aolep kajoor in bōro, bwe koṃin maroñ obrak kōn iakwe eo An, eo Eaar leļok ioon aolep ro rej ri kaļoor ro an reṃool an Nejin, Jisōs Kraist; bwe koṃin maroñ erom ṃaan ro nejin Anij; bwe ñe Enaaj waļok jenaaj āinwōt e, bwe jenaaj lo E ilo lukkuun nememen; bwe jen maroñ bōk kōjatdikdik in; bwe jān maroñ karreo eṃool āinwōt E erre”” (Moronai 7:45–48).

Lio pāleō eaorōk, Jeanene, eaar iakwe Bok in Mormon. Ke eaar dik, āinwōt jodikdik, eaar erom pedped ilo mour eo an. Eaar juon unin naan in kaṃool im katakin ilo tōre eo ke eaar juon mijenede ej jermal aolep raan ilo tuiōñ turilik in United States. Ke kōm kar jermal ilo mijen ilo Córdoba, Argentina, eaar kajoor ilo an kōketak nān kōjermal Bok in Mormon ilo jermal in kwaļok ko am. Jeanene eaar kapen ilo iiō ko ṃoktata ilo mour eo an bwe ro me ejjab bōjrak aer riiti Bok in Mormon rej jeramṃan kōn an ļap ļok Jetōb eo an Irooj, juon kije eļap ļok nān pokake kien ko An, im juon naan in kaṃool eļap ļok kōn kwojarjar eo an Nejin Anij.<sup>1</sup> Bwe Ijjab jeļā jete iiō ko, ke eaar epaak tok jemļok in juon iiō, Iaar lo an jijet ilo ikōñ, lukkuun kōjemļok aolepen Bok in Mormon aadet bar juon kōttan ṃokta jān an jemļok iiō eo.

Ilo 1991 Iaar kōṃaan leļok juon menin leļok ilo Kūrijmōj ejenļok nān baamle eo aō. Iaar je ilo jōnōļ eo aō ekōjkan Aō kar kakūrṃool kōṃaan eo: “Ej 12:38 p.m., Wōnje, Tijemba 18, 1991. Ej kab dedeļok aō kanne juon audio recording kōn Bok in Mormon nān baamle eo aō. Menin eaar juon eñjake me ekkōļap ļok naan in kaṃool eo aō kōn jermal eo ekwojarjar im kar kōkajoorļok ilo nā juon kōṃaan nān jeļā ļok kōn alen ko an nān katak jān ṃool ko an eoon kein nān kōjermal ilo jermal eo aō nān Irooj. Ij iakwe bok in. Ij kaṃool kōn aolepen aō bwe ej ṃool, bwe kar kōpooje nān kōjeramṃan Imōn Israel, im aolepen ṃōttan ko rokotaktak an rajeded ilo aolepen laļ in. Aolep ro renaaj ekkatak ennaan eo an ilo ettā, ilo tōmak tōmak ilo Jisōs Kraist, naaj jeļā ṃool eo an im naaj lo juon menin aorōk nān tōl er nān ṃōṃōṃō eo eļap ļok, aenōṃman im tōprak ko ilo mour in. Ij kaṃool ilo aolep jekjek eo ekwojarjar eļap, bok in ej ṃool.”

Kōṃṃan bwe kōj kajjojo en kōjermal jeramṃan ko reļlap me rej jān ekkatak jeje ko rekwojarjar. Ij jar, ilo etan Jisōs Kraist, amen.

Kakememej

1.

Lale Gordon B. Hinckley, "A Testimony Vibrant and True," *Liahona*, Okw. 2005, 6.